

КАФИСМА ДВАДЦАТАЯ

Псалом Давиду, к Голиафу, 143

¹ Благословён Господь Бог мой, научаяй рúце мой на ополчение, персты моя на брань. ² Милость моя и прибежище моё, Заступник мой и Избавитель мой, Защититель мой, и на Него уповах: повинуй люди моя под мя. ³ Господи, что есть человек, яко познался еси ему? Или сын человек, яко вменяеши его? ⁴ Человек суете уподобися: дни его яко сень преходят. ⁵ Господи, приклони небеса, и сниди, коснися горам, и воздымятся. ⁶ Блесни молнию, и разженеши я, послй стрелы Твоя, и смятеши я. ⁷ Послй руку Твою с высоты, изми мя и избави мя от вод многих, из руки сынов чуждых, ⁸ ихже уста глаголаша суету, и десница их – десница неправды. ⁹ Боже, песнь нову воспою Тебе, во псалтири десятиструннем пою Тебе, ¹⁰ дающему спасение царём, избавляющему Давида, раба Своего, от меча люта. ¹¹ Избави мя, и изми мя из руки сынов чуждых, ихже уста глаголаша суету, и десница их – десница неправды. ¹² Ихже сынове их яко новосаждения водруженная в юности своей. Дщери их удобрены, преукрашены, яко подобие храма. ¹³ Хранилища их исполнена, отрывающая от сего в сие, овцы их многоплодны, множащися во исходищах своих, волове их толсти. ¹⁴ Несть падения оплоту, ниже прохода, ниже вопля в стогнах их. ¹⁵ Ублажиша люди, имже сия суть. Блажени людие, имже Господь Бог их.

Хвала Давиду, 144

¹ Вознесу Тя, Боже мой, Царю мой, и благословлю имя Твое в век и в век века. ² На всяк день благословлю Тя и восхвалю имя Твое в век и в век века. ³ Великий Господь и хвален zelo, и величию Его несть конца. ⁴ Род и род восхвалят дела Твоя и силу Твою возвестят. ⁵ Великолепие славы святыни Твоея возглаголют и чудеса Твоя поведают. ⁶ И силу страшных Твоих рекут и величие Твое поведают. ⁷ Память множества благодати

Твоея отры́гнут и правдою Твоею возра́дуются. ⁸ Щедр и Милостив Господь, Долготерпелив и Многомилостив. ⁹ Благ Господь всяческим, и щедроты Его на всех делах Его. ¹⁰ Да исповедятся Тебе, Господи, вся дела Твоя, и преподобнии Твоя да благословят Тя. ¹¹ Славу Царствия Твоего рекут, и силу Твою возглаго́лют, ¹² сказа́ти сыновом челове́ческим силу Твою, и славу велико́лепия Царствия Твоего. ¹³ Царство Твое, Царство всех веко́в, и влады́чество Твое во всяком роде и роде. Верен Господь во всех словеса́х Своих и Преподобен во всех делах Своих. ¹⁴ Утвержда́ет Господь вся низпада́ющыя и возставляет вся низвер́женныя. ¹⁵ Очи всех на Тя упова́ют, и Ты да́еши им пи́щу во благовре́мени. ¹⁶ Отверза́еши Ты ру́ку Твою и исполня́еши всякое живо́тно благоволе́ния. ¹⁷ Праведен Господь во всех путех Своих и Преподобен во всех делах Своих. ¹⁸ Близ Господь всем призыва́ющим Его, всем призыва́ющим Его во и́стине. ¹⁹ Волю́ боящихся Его сотвори́т и моли́тву их услы́шит и спасе́т я. ²⁰ Храни́т Господь вся любя́щыя Его и вся грешники́ потреби́т. ²¹ Хвалу́ Господню возглаго́лют уста́ моя́, и да благослови́т всяка́ плоть и́мя свято́е Его в век и в век ве́ка.

Слава:

Аллилуиа, Аггеа и Захарии, 145

¹ Хвали́, душе́ моя́, Господа. ² Восхваляю́ Господа в животе́ моём, пою́ Бо́гу моему́, до́ндеже есмь. ³ Не наде́йтесь на князи, на сы́ны челове́ческия, в ни́хже несть спасе́ния. ⁴ Изы́дет дух его́ и возврати́тся в зе́млю свою́. В той день поги́бнут вся помышле́ния его́. ⁵ Блаже́н, ему́же Бог Иа́ковль Помо́щник, упова́ние его на Господа́ Бо́га своего́, ⁶ сотвори́шаго не́бо и зе́млю, мо́ре и вся, я́же в них, храня́щаго и́стину в век, ⁷ творя́щаго суд оби́димым, даю́щаго пи́щу а́лчущим. Господь реши́т окованны́я. ⁸ Господь умудря́ет слепцы́. Господь возводи́т низвер́женныя. Господь люби́т праведники. ⁹ Господь храни́т пришельцы́, си́ра и вдову́ при́мет и путь грешных погуби́т. ¹⁰ Воцари́тся Господь во век, Бог твой, Си́оне, в род и род.

Аллилуиа, 146

¹ Хвалите Господа, яко благ псалом. Бóгови нашему да усладится хваление. ² Зиждай Иерусалима Господь, разсеяния Израилева соберет. ³ Исцеляяй сокрушенныя сердцем и обязуяй сокрушения их. ⁴ Исчитааяй множество звезд и всем им имена нарицааяй. ⁵ Велый Господь наш, и велия крепость Его, и разума Его несть числа, ⁶ Приемляй краткия Господь, смиряяй же грешники до земли. ⁷ Начните Господеву во исповедании, пойте Бóгови нашему в гуслах. ⁸ Одевающему небо облаки, уготовляющему земли дождь, прозябающему на горах траву и злак на службу человеку, ⁹ дающему скотом пищу их, и птенцем врановым призывающим Его. ¹⁰ Не в силе констей восхощет, ниже в листьях мужеских благоволит. ¹¹ Благоволит Господь в боящихся Его и во уповающих на милость Его.

Аллилуиа, Аггеа и Захарии, 147

¹ Похвали, Иерусалиме, Господа, хвали Бога Твоего, Сионе, ² яко укрепил верей врат Твоих, благослови сыны твои в тебе. ³ Полагаяй пределы Твоя мир, и тука пшенична насыщаяй тя. ⁴ Посылаяй слово Свое земли, до скорости течет слово Его, ⁵ дающего снег Свой, яко волну, мглу, яко пепел, посыпающего, ⁶ метаящего голодь Свой, яко хлебы. Противу лица мразы Его кто постоит? ⁷ Послет слово Свое, и истает я, дхнет дух Его, и потекут воды. ⁸ Возвещаяй слово Свое Иакову, оправдания и судьбы Своя Израилеви. ⁹ Не сотвори тако всякому языку, и судьбы Своя не яви им.

Слава:

Аллилуиа, Аггеа и Захарии, 148

¹ Хвалите Господа с небес, хвалите Его в вышних. ² Хвалите Его, вси Ангели Его, хвалите Его, вся силы Его. ³ Хвалите Его, солнце и луна, хвалите Его, вся звезды и свет. ⁴ Хвалите Его Небеса небес и вода, яже превыше небес. ⁵ Да восхвалят имя Господне: яко Той рече, и быша, Той повеле, и создашася. ⁶ Постави я в век и в век века, повеление положи, и не мимо идет. ⁷ Хвалите Господа от земли, змиеве и вся бездны: ⁸ огонь, град, снег, голодь, дух бурен, творящая слово Его, ⁹ горы и вси

хóлми, дрeвá плодонóсна и вси кéдри, ¹⁰ звéрие и вси скóти, гáди и птíцы пернáты. ¹¹ Цáрие зéмстии и вси лóдие, князи и вси судий зéмстии, ¹² юноши и дéвы, стáрцы с юнотами ¹³ да восхвáлят íмя Госпóдне, я́ко вознесéся íмя Тогó Едíнаго, исповéдание Егó на землi и на небесi. ¹⁴ И вознесёт рог людéй Свои́х, песнь всем преподóбным Егó, сыновóм Израiлевым, лóдем, приближа́ющимся Емú.

Аллилуиа, 149

¹ Воспóйте Гóсподеви песнь нóву, хвалéние Егó в цéркви преподóбных. ² Да возвеселiтся Израiль о Сотворшeм eгó, и сынове Сиóни возра́дуются о Царé своём. ³ Да восхвáлят íмя Егó в лице, в тимпáне и псалтiри да пою́т Емú. ⁴ Я́ко благоволи́т Госпóдь в лóдех Свои́х, и вознесёт крóткия во спасéние. ⁵ Восхвáлятся преподóбнии во слáве и возра́дуются на лóжах свои́х. ⁶ Возношéния Бóжия в гортáни их, и мечi обою́ду остры́ в руках их: ⁷ сотвори́ти отмщéние во язы́цах, обличéния в лóдех, ⁸ связáти царi их пúты, и слáвныя их ручны́ми окóвы желéзными, ⁹ сотвори́ти в них суд напи́сан. Сла́ва сия́ бóдет всем преподóбным Егó.

Аллилуиа, 150

¹ Хвалiте Бóга во святы́х Егó, хвалiте Егó во утвержéнии сiлы Егó. ² Хвалiте Егo на сiлах Егo, хвалiте Егo по мнóжеству вели́чества Егo. ³ Хвалiте Егo во глáсе трúбнем, хвалiте Егo во псалтiри и гúслех. ⁴ Хвалiте Егo в тимпáне и лице, хвалiте Егo во стру́нах и оргáне. ⁵ Хвалiте Егo в кимвáлех доброгласных, хвалiте Егo в кимвáлех восклицáния. ⁶ Вся́кое дыхáние да хвалит Гóспода.

Слава, и ныне: Аллилу́иа.

Сей псалом особь писан, Давидов, и вне числа 150 псалмов,
внегда
единоборствоваше на Голиафа

Мал бех в брѣтии моѣй и юншии в дому отца моего, пасохо овцы отца моего. Руце мой сотвористе орган, и персты мой составиша псалтирь. И кто возвестит Господеву моему? Сам Господь, Сам услышит. Сам посла Ангела Своего, и взял мя от овец отца моего, и помаза мя елеем помазания своего. Брѣтия моя добри и велицы, и не благоволи в них Господь. Изыдох в срѣтение иноплемѣннику, и проклят мя идолы своими. Аз же, исторгнув меч от него, обезглавих его, и отях поношение от сынов Израилевых.

По 20-й кафисме, Трисвятое

Таже тропари, глас 8: Исполнение всех благих Ты еси, Христе мой, исполни радости и веселия душу мою, и спаси мя, яко Един Многомилостив.

Слава: Аще и согрѣших, Христе Спасе мой, пред Тобою, иного Бога разве Тебе не вем, дерзаю же на Твое благоутробие, обращающагося прими мя, Благоутробне Отче и Сыне единородне и Душе Святыи, яко блуднаго сына, и спаси мя.

И ныне: Иного прибежища и теплого предстательства, разве Тебе, не вем, яко дерзновение имущи ко иже из Тебе рожденному, Владычице, помози и спаси мя, раба Твоего.

Господи, помилуй (40) и молитва

Господи Иисусе Христе Боже мой, помилуй мя, грешнаго, и прости ми, недостойному рабу Твоему, елика Ти согрѣших чрез все живота моего время, и даже до днесь, и аще что яко человек согрѣших, вольная моя прегрѣшения и невольная, делом и словом, яже умом и мыслию, яже от совосхищения и невнимания, и многия моя лени и небрежения. Аще же именем Твоим кляхся, аще же лжекляхся, или хулих мыслию, или кого укорих, или оклеветал, или опечалих, или в нечесом прогневах, или окрадох, или блудствовах, или солгах, или тайно ядох, или друг достиже ко мне, и презрех его, или брата оскорбих и преогорчих, или стоящу ми на молитве и псалмопении, ум мой лукавый на лукавая обхождаше, или паче лепаго насладихся, или безумно смеяхся, или кощунно глаголах, или тщеславихся, или гордихся, или доброту суетную видех и от нея прельстихся, или нелепая мне поглумихся. Аще в чесом о молитве моей нерадих, или заповедей духовнаго моего отца

не сохраних, или празднослових, или ино что лукавое сотворих, сия бо вся и вящшая сих содеях, ихже ниже помню. Помилуй, Господи, и прости ми вся, да в мире усну и почию, пою, и благословя, и слава Тя, со Безначальным Твоим Отцем и с Пресвятым, и Благим, и Животворящим Твоим Духом, ныне и присно и во веки веков. Аминь.